

春州勤州羅州高州恩州崖州瓊州萬安州欽州廉州陸州土貢有銀亦見唐書又言勒州銅陵有銅連州山有銅又言廣州化蒙有鉛穴一
春州陽春有鉛又言連州桂陽有鐵陽山有鐵連山有鐵又本草別錄曰錫出桂陽山谷是則嶺南精英所聚地利實多當時風氣未開其見於古書者尙能言
如此則諸書之外更當悉數難窮而惜乎未得善法為之開採也

衣食從西 ○順德羅某家本素封娶江蔡氏女為妻蔡姓閱名家堪稱伉儷不謂羅某近遊香港深嗜西派旋鄉後竟將髮辮割去皮靴窄服儼
若西人鄉鄰未經慣見相聚大譁其妻亦慚痛交併然無如何也嗣為岳家探悉泰山巖巖怒不可遏以為有婿如此玷及葭葭急馳與召其女回誓與東床斷
絕後經羅之父母託戚屬婉勸蔡某祇得聽女還家惟立有一約不許其與夫共桌而食然羅某意氣如故絕不為怪自備一厨子備辦羔丕等物兩餐且食西
菜焉然鄉間風氣未開羅某一日即西其衣冠西其飲食無怪人之驚異也

日光駭人 ○聞京師二月十七日黃沙漫天十餘步外不辨人面是日午刻日光陡變藍色約二三刻之久觀者其為駭異或云日光為沙霧所掩故
光隱而變色其說似確志之以質談天者

虎將屯兵 ○統帶福軍劉淵亭軍門轄署夙聞中外現值時事多艱邊防吃緊而意大利等國方索取口岸電馳警報豈能久令脾胃復生朝
廷亦嚴飭各省整理邊防時非承平劍鋒出匣茲聞劉軍門奉大憲札諭招募福軍八營馳抵浙江沙門灣等處屯兵防堵併令軍門派委營員分赴欽州暨粵
西越南等處回舊部所有諸熟戎行久於征戰者相繼起赴以禮為羅侯成軍日即由楊姓大員統領同往浙省防守以禦外侮云

請驗礦機 ○機器開礦華人素未講求近年有志之士出洋學習業成回華已有多人但所用機器仍須購自外洋未有能獨出心裁製成備用者茲
聞礦學生嚴迪光獨運匠心製有鑄化礦質等機器昨日特具稟善後總局請准傳驗詳稟上游援案具奏予以年限獨專其利想局憲仰體朝廷振興工藝之
心必能俯如所請也

英人意見 ○日本某報云環球列國以強盛稱者莫不注目於今之中國或曰宜瓜分或曰宜保全議論紛紜莫衷一是英國首相沙士勃雷在聖惹
莫斯埠協同會演說曰當今我政府宜使中國政府知我望其振興之意設有人問曰處置中國之法當若何我必答之曰應遏抑他人之吞噬其愚蒙助其
革新使之通商關利次則導以文明焉又大藏總長巴魯氏者曾獻三策於內閣其一曰增廣屬土於絕東事頗不易除現所有之地外此後再不可要索其二
曰我國之利不重在推廣屬地而重在振興商務其三曰為我商務之害者厥有二一如某國強占中國沿海口岸肆其狼貪而重徵入口貨稅二如某國操縱
中國之權名雖非侵我特權實則暗奪我商務之利人或觀英國租賃威海衛之舉曰彼志在瓜分也我以為為此言者特未知其底蘊耳按租賃威海衛之
條約曰本條約與俄國占領旅順及大連灣章程相同故俄將旅大還中國時英國亦應將威海衛交還至於中國各船本有出入此港之權若遇英國與他國
有爭端亦不改換此約觀此可知英國之所以租賃威海衛實欲阻遏俄國兇鋒也若英國果欲占地以逞虎狼之慾則應改訂永遠租賃之約又何必做照俄
國所訂之年期乎其志在開港也明矣誰謂英國之志在瓜分哉

製造清涼水機器 ○啓者本號現有經用製造清涼水機器全副齊備諸君賜顧者請到本號相商價甚公平兼有新到掩清涼水瓶蓋之機器招
售倘蒙光顧請到義興街二十八號門牌便是特此佈聞 光緒二十五年三月十五日 吳德志謹啓

拍賣當舖各物告白 ○啓者茲將西一千八百九十八年九月及十月各當舖所當滿號各物在五元以上者盡行拍賣定西五月四號及五號即華
本月廿五廿六拜四拜五等日在港仔口五十六號門牌本館內拍賣 諸君合意者屆期請到是處承買現銀領貨此佈
光緒己亥年二月十四日 拍賣人安多年謹啓

工部局告白 ○啓者本埠各家舖戶所配之吐水機器定於西歷四月廿二號即華三月十三日起每早自六點鐘至九點鐘每日下午自四點鐘
至六點鐘方有流水可承其餘各時一概閉塞蓋緣現際暑天山泉缺乏特為限制凡用水之人宜按點鐘開取於水器盈滿之時即宜閉機慎勿放水溢特
此佈聞 英一千八百九十九年四月廿二號 光緒二十五年三月十三日 司理人夏里碧承命謹啓

杏林遍植 ○啓者大叻諸埠吾華人日眾貿易各行俱便惟藥料之真醫師之良尤為地方所必需余目親時艱久存方便之念苦無和緩其人茲
特延到王湛珊先生其襄厥事在巴羅總埠開設均和安生藥房督辦中西真料各藥以備各埠採辦現已開市發售先生本吾梅州名士因世變而隱於醫
疇昔汕埠醫院吧城濟安幾經主治有年以及鄉試省垣所到之境有地皆春名實相符早已遐邇欽仰焉先生不惟術擅岐黃尤且精於格物所有參茸貴料
丸散飲片一切無不留心講究利濟時存從此白蠟殊方莫不嘆海甸春回同登壽域矣預此佈聞 光緒二十五年二月十二日 李相生謹啓

士報乃出賞向購刊諸報紙即別日報亦漸次效之愈推愈廣以至今日聞通商大埠居民在五千里以上者均有勞打訪事故能異常神速為他電局所不及
云按古文為勞打電局之頭等專訪事局中頭等專訪事局古文一人專往各要地訪事布置經手等事古文不及二旬精明強幹甚稱職也

日之索地 ○香港西報述廈門消息言是處日本領事向道憲索取租界地址有六十九萬六千英尺該地在虎頭山脚即海旁之東南此地百年來
皆是墳塚計此地墳塚壘有萬餘穴骨石約有五萬餘副向未有人如日本索地之奇異更有甚者尤欲中國人自遷枯骸委曲遷就及該處有煙戶八百間
日人又欲其人遷居淨盡乃可交割若將五萬骨石挖起勿論穢氣薰蒸一層即官府出示令人遷墳時已不知幾許紛更變亂竊望力助華人且日人在此商
務甚鮮不過欲索地而已若欲索地何以害民縱不得已而為之亦不可使激變華人貽累外國人之旅居廈門者西報綴言曰此訪事時有新聞寄來所採訪
之事甚有確耗日人非不知中國人性情何以偏向此方索此地段甚願日人先與別國領事熟商乃可向中國索地庶免滋生事端也

靈柩過叻 ○出使英國羅羅大臣之夫人於元日在英京節署仙逝一節已登前報茲聞星使乃命其公子等扶柩由英附輪於十二日至叻小停當經
劉總領事率各屬紳商等路祭如禮而該輪已于十三日開赴香港江然後盤輪載回福州歸葬云

局外閒評 ○近日西人議論云意國此次索取沙門灣雖為無端嚴駁然自西人觀之則意人此舉實未為過蓋如英法德美各國於中國皆佔有口
岸而意獨無有此意所以不甘也中國政府堅持不允外人以為必啓兵端中國之人皆有摩厲以需之概以為若果開仗則沙門灣可必不為外人所得矣而
不知戰禍必不成釁灣之地必為意國所有中國政府必不能久持也設至他日各國公使皆赴總署為意說項則中國政府方且雙手奉上之不暇而何敢與
意爭蓋中國作事類如此也

火車紀數 ○天下火車最新清單載各國火車機車共一億九千輛其中歐洲得六萬二千輛美洲得四萬輛亞洲得二千三百輛澳洲得二千輛阿
洲得七百輛以歐洲分計輛數英得一萬七千德得一萬五千法得一萬一千奧得五千其餘各國合一萬五千

格致新理 ○大風吹垢騰達空中經久不散先儒著論確有可憑今有格致家更進一說以為火山飛燄布散天際若塵若灰漸漸下落如霧如雨膏
見之大西洋紅海地中海間按阿洲撒馬拉大漠時起巨風浮塵落地若碎塊玻璃之渣滓惟出火山者其色如紅泥出沙漠者其色白粉蓋其中不無區別耳

婦死復生 ○客從仰光來者述云聞籍人某甲曾娶某女為婦日前甲與該婦口角是晚該婦另睡一室吃阿芙蓉自盡次日將午甲因婦之臥房雙
扉仍閉料必有故破扉入視見婦已死哀感逾恒自不必說遵例報驗又將該婦生平所穿戴之衣服首飾一概裝入棺內即於午後出殯村中匪人聞其棺內
多寶乘夜敢棺希圖行竊忽聞死者有呻吟之聲各匪駭懼奔逃次早近塚之人察悉該婦復生往報某甲甲趨往視果有生機急為僱車載其歸宅設法調治
現已稍愈仍為夫婦如初來人之言如此未知確否姑為照錄以符日報體例

聚賭 ○十五日阿太守提訊一案據四畫三號巫來油差島勞稟稱十四日某接線人報賭消息遂於是夜七點半鐘率差隨線人前往汕頭街
一百九十二號門牌屋內執獲聚賭之潮籍人一十三名回館等語太守訊實判定各罰銀五元令提罰款一半賞給線人

私煙 ○同日阿太守提訊私煙一案據二百一十四號巫來油差加米示稟稱某於本月十三日下午三點餘鐘在中路地方撞見閩籍人李某
似有夾帶物件其從其身中搜獲私煙約銀四元八角執其回館等語太守訊實判定罰銀二十元無銀改禁一個月令將所搜之煙充公

九龍車路有成 ○香港德臣西報言一禮拜前我僑僑論中國南方車路謂約運數日即可大興工作當時所言係指粵漢車路且冀九龍通至粵垣
之路亦早行妥議俾與粵漢幹路相接乃今幹路尚未興辦而九龍之路聞其已有成議此誠出人意料之外不久即須丈量路基是以勸路各委員現均在港
靜候消息據言承築此路之利權係由渣甸洋行代華英各商向中國政府索得各商業在倫敦城設立公司招股科本英員刺治前由渣甸行存諸中朝丈勸
北方車路今因南路將興行欲資熟手特借其覆勸刺君已於前日附搭駁拿皇后火船行抵本港大約少息征塵約遲一禮拜即當啓程沿途丈勸繪圖惟
英廷及本港政府於此事均踴躍贊助務期克底有成異日隨同勘路之人想必濟濟有衆也西報所言如此倘若非虛則港中商務隨火車路而益旺可為拭目
以俟矣

天屬聯婚 ○京友函云慶親王允將女公子為直督裕壽帥之九公子熙俊配偶已於上月十八日文定天津各官得知喜信紛紛赴督轅叩賀云
中丞開礦 ○礦務實為開闢地利之首端既見 明諭講求則各省不得視為不急之務廣東省如廉州之煤礦前經上憲委張刺史開辦他如佛岡
英德清遠瓊州各處產礦尚多撫憲鹿中丞蒞任以來勵精圖治於礦產一事尤為留心日前已令莊少尉鶴清帶同礦師至署垂詢良久始命退出蓋少尉為
礦務委員悉心粵地礦產而少尉日昨亦詣撫轅稟陳一切矣按粵省山環水繞秀毓靈鍾五金之產所在多有考新唐書地理志廉州新州勤州恩州崖州瓊
州振州儋州萬安州欽州土貢有金嶺表錄異載廣州合匡縣有金池居人養鴨鴨嘗於屎中見碎金淘之得二兩或半兩廣州康州龍州新州封州潘州